

ATM TERIMA TAJAAN KALENDAR PERNAMA 2019

airforce.mil.my/berita/acara-rasmi/4308-atm-terima-tajaan-kalendar-pernama-2019

KUALA LUMPUR, 3 Jan 19 – Panglima Angkatan Tentera, Jeneral Tan Sri Dato’ Seri Panglima Hj Zulkifli bin Hj Zainal Abidin telah menyempurnakan Majlis Penyerahan Kalendar Tajaan Perwira Niaga Malaysia (PERNAMA) 2019 oleh Pengerusi PERNAMA, Jeneral Tan Sri Dato’ Sri Abdul Aziz Haji Zainal (B) bertempat di Auditorium Wisma Pertahanan hari ini.



Kalendar PERNAMA pada tahun ini bertemakan “Demi Malaysia Berdaulat – Biar Putih Tulang, Jangan Putih Mata” yang memaparkan gambar-gambar sorotan eksekutif dan latihan oleh formasi dan pasukan.



Panglima Tentera Udara, Jeneral Tan Sri Dato’ Sri Hj Affendi bin Buang TUDM telah menerima kalendar PERNAMA 2019 bagi pihak TUDM yang diserahkan oleh pihak penaja.



Turut berlangsung adalah upacara penyerahan sumbangan berjumlah RM250,000.00 dari pihak PERNAMA kepada Tabung Kebajikan ATM serta penyampaian 1179 naskah buku terbitan PERNAMA kepada Perpustakaan ATM.

Hadir sama di majlis tersebut adalah Panglima Tentera Laut, Laksamana Datuk Mohd Reza Bin Mohd Sany; Panglima Tentera Darat, Jeneral Dato’ Seri Panglima Hj Ahmad Hasbullah bin Hj Mohd Nawawi; Pengurus Besar PERNAMA dan Pegawai-pegawai Kanan ATM.

